




REPUBLIKA E KOSOVËS REPUBLIKA KOSOVA REPUBLIC OF KOSOVO
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD CIVIL SERVICE OF KOSOVO

Planuar / Doretuar Punë/Prodato Received/Delivered	05-01-2024	4	viti god year
Organ /Njësia Org /Unit	Nr Prot Pr Prot No	Shtesa Prilog Appendix	Sasia Kohësna Quantity
SKUPSTHCK	97/2024		113



Republika e Kosovës
Republika Kosova-Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVA

A.nr.1433/2023

Këshilli i Pavarur Mbikëqyrës për Shërbimin Civil të Kosovës—Kolegji për Shqyrtimin dhe Vendosjen e Ankesave në përbërje nga: Ardita Haxhnikaj Demi-kryetare, Arben Mehmeti dhe Malsore Gashi Bajraktari-anëtarë, me Sabile Avdyli -Zyrtare e Lartë për Bashkëpunim Profesional në cilësinë e procesmbajtëses. sipas ankesës me numër A.nr.1433/2023 të datës 22.11.2023, të parashtruar nga ankuesi **ië çështjen juridike**
“kontestim konkursi”, duke vepruar në pajtim me nenin 6, paragrafin 1 nën, paragrafin 1.1, nenin 16, paragrafin 3 dhe nenin 18 paragrafin 1 nën paragrafin 1.8 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, me datë 04.01.2024, mori këtë:

V E N D I M

I. Këshilli i Pavarur Mbikëqyrës për Shërbimin Civil të Kosovës, **shpallet jo kompetent** për të vendosur lidhur me ankesën me numër A.nr.1433/2023, të datës 22.11.2023, të parashtruar nga ankuesi

II. Pala ankuese udhëzohet mbi drejtën e inicimit të kontestit administrativ pranë gjykatës kompetente.

A r s y e t i m

Ankuesi **(me tej referuar vetëm ankuesi)**, me datë 22.11.2023 ka parashtruar ankesë në Këshillin e Pavarur Mbikëqyrës për Shërbimin Civil të Kosovës, e regjistruar nën shenjen A.nr.1433/2023, kundër Vendimit nr.01/400 të datës 09.11.2023, të Komisionit për Shqyrtimin e Ankesave të Komunës së Shtimes.

Kolegji për Shqyrtimin dhe Vendosjen e Ankesave pasi ka shqyrtuar provat materiale lidhur me çështjen, konstatoi se Këshilli i Pavarur Mbikëqyrës për Shërbimin Civil i Kosovës, **nuk është kompetent** për të vendosur për ankesën e parashtruar nga ankuesi **epse:**

Nga administrimi i shkresave të lëndës rrjedhë së Komuna e Shtimes, duke u bazuar në nenin 79 dhe 80 të Ligjit Nr.06/L-114 për Zyrtarët Publikë, nenit 8 paragrafi 1 dhe 2 të Ligjit Nr. 03/L-212 të

Punës, si dhe Rregullores (QRK) Nr.05/2022 për Procedurat Konkurruese dhe Pranimi për Nëpunësit Administrativ dhe Mbështetës, me datë 15.09.2023, ka shpallur Konkursin për pozitën *Koordinator i punëve teknike*, e në të cilën konkurs kishte aplikuar edhe ankuesi.

Me tej nga shkresat e lëndës rrjedhë së ankuesi i pakënaqur me vlerësimin përfundimtar të Komisionit të Vlerësimit ka parashtruar ankesë pranë Komisionit të Ankesave të Komunës së Prishtinës, i cili me vendimin 01/400 të datës 09.11.2023, ka refuzuar si të pabazuar ankesën e ankuesit, ligjshmërinë e te cilit ankuesi e konteston me ankesë në Këshillin e Pavarur Mbikëqyrës për Shërbimin Civil.

Duke ju referuar nenit 99 paragrafi 6 të Ligjit Nr.08/L-197 për Zyrtarët Publik, i aplikueshëm nga data 26.09.2023, ku përcaktohet se: *Procedurat e rekrutimit, të disiplinës apo të ankesave të filluara dhe të papërfunduara në ditën e hyrjes në fuqi të këtij ligji, do të vazhdojnë sipas dispozitave të mëparshme ligjore, që kanë rregulluar çështjet përkatëse*, Kolegji konstaton së procedura rekrutuese e kontestuar me ankesë është shpallur me datë 30.08.2023, pra në kohën ku ka qenë në fuqi Ligji Nr.06/L-114 për Zyrtarët Publik dhe mbi bazën e këtyre dispozitave ligjore ka përfunduar kjo procedurë e pranimit, andaj edhe trajtimi i kësaj çështje administrative në kuptimin e plotësimit të kërkesave të pranueshmerinë së ankesës do të behët në pajtim me dispozitat e Ligjit 06/L-114 për Zyrtarët Publik.

Rrjedhimisht, nisur nga konstatimi si më sipër, Kolegji i 'u referua Ligjit Nr.06/L-114 për Zyrtarët Publik gjegjësisht nenit 2, më të cilin është përcaktuar se: "... 2.Zyrtarë publikë janë: 2.1. nëpunësi i Shërbimit Civil (në tekstin në vijim: nëpunësi civil); 2.2. nëpunësi i Shërbimit Publik; 2.3. nëpunësi i Kabinetit; dhe 2.4. nëpunësi administrativ dhe mbështetës. 3. Nëpunës civil - është zyrtari publik në kuadër të Shërbimit Civil, i cili ushtron detyrën në një pozitë, duke filluar nga zyrtari profesional deri në pozitën e sekretarit të përgjithshëm në administratën e Presidentit, në administratën e Kuvendit, në Zyrën e Kryeministrit, në ministri, në agjenci ekzekutive, në agjenci dhe në një degë lokale të tyre, në administratën e institucioneve të sistemit të drejtësisë, në institucion të pavarur, në agjenci të pavarur, në administratën komunale dhe çdo nëpunës i përcaktuar drejtpërdrejt me ligj të veçantë...6.Nëpunës administrativo-teknik - dhe mbështetës është zyrtari publik, që kryen veprimtari ndihmëse, të mirëmbajtjes, ruajtjes, vozitjes, si dhe veprimtari të tjera të ngjashme në institucionet e administratës publike." si rrjedhojë, duke u bazuar në përshkrimin e detyrave të punës për pozitën Koordinator i Punëve Teknike si dhe nisur nga fakti së konkursi me numër 02/1-304 është shpall mbi bazën e dispozitave ligjore referuar pranimit të zyrtareve publikë me status të nëpunësit administrativ dhe mbështetës, Kolegji i Këshillit konstaton se pozita Koordinator i Punëve Teknike është pozitë e nëpunësit administrativ dhe mbështetës, kështu që, në mbështetje të nenit 6 paragrafit 1 nën paragrafit 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, Këshilli është kompetent për të shqyrtuar vetëm ankesat e nëpunësve civilë dhe kandidatëve për pranim në Shërbimin Civil, dhe si rrjedhojë Këshilli nuk është kompetent për të vendosur lidhur me ankesën A.1433/2023, të datës 22.11.2023 të parashtruar nga ankuesi pasi që pozita e kontestuar nuk është pozitë e nëpunësit civil.

Lidhur me procedurën e ushtrimit të mjeteve juridike në mbrojtje të të drejtave nga marrëdhënia e punës, Kolegji duke u bazuar në nenin 24 paragrafin 4 të Ligjit Nr.06/L-114 për Zyrtarët Publikë,

konstaton se nëpunësi administrativ dhe mbështetës, fillimisht duhet të ankohet tek punëdhënësi dhe më pas mund të filloj kontest administrativ në gjykatën kompetente.

Duke marrë parasysh konstatimin si më lartë se Këshilli i Pavarur Mbikëqyrës për Shërbimin Civil të Kosovës, nuk ka juridiksion për të vendosur lidhur me ankesën e ankuesit, Kolegji duke u bazuar në nenin 75 paragrafin 1 të Ligjit Nr.05/031 për Procedurën e Përgjithshme Administrative, dhe meqenëse nga shkresat e lëndës vërehet se ankuesi ka shfrytëzuar të drejtën e ankesës pranë organit të punësimit përkatësisht te Komisioni për Ankesa i Komunës së Shtimes, pala ankuese udhëzohet për inicim të kontestit gjyqësor në gjykatën kompetente, pasi që lënda nuk mund të bartet të gjykata kompetente ngase në këtë fazë mungon padia si kusht kryesor për fillimin e një procesi gjyqësor.

Bazuar si më sipër, e në mbështetje të nenit 18 paragrafit 1 nën paragrafit 1.8 të Ligjit Nr.06/L048 për Këshillin e Pavarur Mbikëqyrës për Shërbim Civil të Kosovës, Kolegji i Këshillit vendosi si në dispozitiv të këtij vendimi.

Këshillë juridike: Vendimi hyn në fuqi në ditën e nënshkrimit nga Kryetarja e Kolegjit. Kundër vendimit të Këshillit, pala e pakënaqur e mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS

Lënda me numër A.nr.1433/2023

Sabile Avdyli

Sabile Avdyli
Procesmbajtëse

Ardita Haxhnikaj Demi

Kryetare e Kolegjit



Vendimi i dërgohet:

- Ankuesit
- Udhëheqësit të Njësisë së Burimeve Njerëzore në Komunën e Shtimes dhe
- Arkivit të KPMSHCK-së.

